



**Claudii Fleurii Abbatis Historia Ecclesiastica**

Ab anno Christi 1601. usque ad annum 1605

**Fleury, Claude**

**August. Vind. [u.a.], 1776**

**VD18 90118790**

§. 22. Aquensis Senatus decretum contra loci Archiepiscopum.

---

[urn:nbn:de:hbz:466:1-67204](https://nbn-resolving.de/urn:nbn:de:hbz:466:1-67204)

Sæc. XVII. stens ex condicto adventus sui signa  
A. C. 1601. edit; cum vero Christiani incolæ vicissim respondere negligerent, ac nocte insequente mare tantopere intumesceret, ut citra certum exitii periculum nullo in loco exscenio fieri posset, hinc confessim omnis prosperi successus spes evanuit, totaque classis die quarta Septembris revulsis anchoris, expansisque pleno sinu velis sese ab urbe longius in altum abstulit, Gymnasiamque repetiit, ubi Navarrhis in consilium vocatis decretum, frustrata temporis opportunitate expeditionem in tempus commodius differendam esse. Tam dispensioso igitur apparatu nihil aliud effectum, nisi ut inde Albaniæ, Bosniæ & Africæ Praefecti eluctato periculo cautores redderentur, quin propterea ullum Cæsari vel Hungaros emolumentum ex imminuenda belli mole accederet.

### §. XXII.

#### *Aquensis Senatus decretum contra loci Archiepiscopum.*

**H**aud minus hoc anno in Galliis tota Provincia turbabatur ob grave disfidium, quod inter Paulum Huraltium Aquensis Urbis Archiepiscopum, & Senatum ortum est; cum enim joannes Imbertus Arelatenensis Sacerdos puerum sexen-nem ad nefandam libidinem persuasum raptu

*Thuan.  
lib. 126.  
Abrege  
Chronol.  
Siecl. XVII.*

raptu ac stupro violasset, Archiepisco- Sæc. XVII.  
palis fori Judex, ut partes coram se A. C. 1601.  
fisterentur, lata sententia decerne-  
bat, a qua tamen pueri Parens cum  
appellasset, Senatus Aquensis die vi-  
gesima secunda Martii hujus criminis  
cognitionem ad forum suum pertinere  
declarabat, a quo Sacerdos criminis  
convictus capite damnatus est: ante-  
quam vero ad supplicium deduceretur,  
rogatur Archiepiscopus, ut hunc reum  
de Sacerdotalis dignitatis gradu de-  
jiceret: cum autem Præsul id facere re-  
nueret, & saepius interpellatus venire  
recusaret, Sacerdos Senatus jussu die  
nona Aprilis ad supplicium ducitur.  
Quarto post die Archiepiscopus convo-  
cato Cleri sui Senatu regiorum judi- *Binner ap-*  
cum, quos violatæ immunitatis Ec- *Sæc. XVII.*  
clesiasticæ reos arguebat, nomina cun- *Art. III.*

ctis designat, eosque Ecclesiasticæ cen-  
suræ poenas incurrisse pronuntiat, at-  
que a Sacramentorum usu arceri præ-  
cipit. Re cognita iterato dies Archi-  
episcopo dicitur, quo tamen non com-  
parente litem deseruisse declaratum, si-  
mulque injunctum, ut præsentibus illis  
Clericis, coram quibus censuram pro-  
mulgabat, eandem revocaret, ac de-  
super testimonium ad acta referendum  
intra tridui spatum traderet, indicta  
trium aureorum millium mulcta, si  
parere

Sæc. XVII. parere recusaret, deinceps vero ejus.  
A. C. 1601. modi ausu Regiam auctoritatem labefactare non præsumeret, alioquin Regiae manus injectione in bona ejus Ecclesiastica plectendus foret. Hanc in rem ex Senatus decreto Guilielmus Æmarus & Claudius Arnoldus Senatores ad Archipræsulem deputati petierunt, ut facti pœnitens censuram revocaret: Renuit autem ipse, illamque Avenione, ubi Papæ Legatus esset, revocandam asseruit: quoniam vero hac tergiversatione nihil proficeret, eadem revocabat, interposita tamen declaratione, quod hoc Senatus consultum non minus nullum, quam injuriosum esset: ipso autem Cognitore Regio decreti executionem urgente Archiepiscopus necessitati cedendum ratus die octava Maji apud Curiæ acta chirographum sua manu signatum depositum, vi cuius censuram absque conditione abrogabat, facta Sacerdotibus copia, ut Senatores antea Ecclesiasticis pœnis irretitos rursus ad Ecclesiæ Sacraamenta admitterent. Hoc pacto fervens resedit studium eorum, qui pro affectus diversitate hinc Regis auctoritatem, tranquillitatemque publicam haud parum labefactatam, illinc Ecclesiæ libertatem violenter fuisse læsam vociferabantur.

§. XXIII.